

江戸時代
新刊
一冊
一冊

C40
4514
(182)

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9



170 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

C40-4514

東京大学図書印

大支

香山二世鐘

無趣老人語錄序

夫祖道不可絕繼風穴於法堂痛哭克家

難逢仰山

印

印

170 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

評

開卷見

之盛典釋氏之

已事可辦抑且佛祖之慧命有望矣

會稽晚學圓澄沐手撰

無趣大師語錄序

如來爲一大事因緣故出覓於世夫大事

者卽佛之知見含靈

一乘了義

悟乃

170 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

印

破沙

今時學者執持

妙悟或認昭昭靈靈而為

為寂或作有漏為真修或以福緣為妙用

等輩不可枚舉沿襲成風使上根困於死術中

下昧於正因雖初祖再來恐不能奪其志而救

其弊也皆名不了義又名生死本亦名戲

相似禪如執珣珠為玉誤

呼幸我大覺

寶寶

馬

170 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

無烟
芳

無趣老人語錄

嗣法比丘性冲編

入關示衆三十餘年參禮請益十方宗匠問法
皆云無說問弗... 無相幸得無相

其返吾來

三 六上 寶慶堂

新正示衆今日兼年第一日大明普照
羣靈咸在此光中皆得如來三昧力汝等還
如來力麼以兩手作掇石勢云過拙來一僧云
重多少師云這飯袋子輕重也不知

示衆舉杜順大師法身偈云懷州牛喫禾益州
馬腹脹天下竟醫人灸猪左膊上大衆作麼生
會衆無對師示以偈曰大士說偈掉天相地有
韻有拈無文摩訶般若波羅蜜卒勿爾勿爾分卒一

見作
也

端陽示衆年年五月五準準是端陽只
及何必預商量百草信得及都作藥中良諸人
信得及此身卽道場復舉古德云終日拈香撥

火不知身是道場大衆且道身是道場佛在那
裡拈起拂子云容顏甚奇妙

示衆搜窮三際元無我偏塞虛空更有誰祖佛
相傳無法付拈華微笑只因渠召大衆曰世尊
拈華則不問且道迦葉作麼生笑衆無對師云
苦哉佛陀耶

師行脚時至杭城叅封自然值然補衲次師問
曰和尚補這箇遮寒遮熱封仰視師禮拜封曰
點茶來師作舞而出

舟走言金
杭城歸示衆云予在湖山境中作篇佛法且是
平直切當簡易明白渴欲歸來舉示大衆及乎
今日相見忘却了也遂豎起拂子云記得麼
僧叅師問叅禪來學道來僧云不打這鼓笛師
云是卽是只怕前人先道去了也僧無對師云
元來元來

師一日告衆云五蘊山中有個英俊孟八郎四
大部洲爲家八面開門出入一切羣生盡挾他
勢力作爲十方諸佛不能討他脚冊手本一向
露影藏形東出西沒昨夜三更時分在諸人濃
睡之中却被盲龜跛躄繫扭結在此豎起拂子云
是這個便下座

示衆舉巖頭巖談圓覺經云以思惟心測度如
來圓覺境界如取螢火燒須彌山師云我且問
你諸人如來境界旣是測度不得底畢竟作麼
生合殺喝一喝云還見巖頭麼便下座

五臺陸居士至問夾山和尚上堂有僧出問承
和尚有言我二十年住巖山未曾舉着宗門中

事是否山云是僧便掀倒禪床山休去至明日
普請掘一坑令侍者請昨日問話僧來僧至山
云老僧二十年只說無義話今請上座打殺老
漢埋此坑中便請便請上座若不打殺老僧上
座自着打殺埋此坑中始得其僧歸堂裝束潛
去臺云此僧前日掀床後日潛去一言無措和
尚可代一轉語得麼師云這兩個有頭無尾漢
夾山當此僧問時卽曰我向來不曾道着喚侍
者擯出此僧不失乎有前無後賊過張弓這僧

次日當夾山舉話處卽向空打兩拳推一推埋
了也亦免陣敗逃圓臺云是師云且道這僧埋
自己埋夾山臺云俱埋了也師云仔細切莫累
我臺大笑師云出也臺云妙妙師示以頌今日
掘坑昨日着賊謀畧不無勝他不得致使白拈
不再來這場露布已自出

示衆言前薦得已天涯句下承當路轉餘一擊
鐵圍如粉碎海天空濶雁行斜

性冲至師向火次遂舉瀉山撥火句問曰汝作

麼生會冲將火爐撥向右边師厲聲曰汝不欲
我向火耶冲無對師云沒量大人冲有省作禮
而出

僧問某甲初發心不會佛法大意乞和尚指示
師云會取不會的

示衆舉高峰示衆云此事如人負重擔過急流
行至中間忽遇黑風暴雨其水愈急愈深進亦
不能退亦不及擬議之間喪身失命正恁麼時
合作麼生汝等諸人若透得此喻親見高峰和

尚把手共行若也未然參

臘月八日示衆舉法華云是諸世界若着微塵
及不着者盡抹爲塵一塵一劫我成佛以來復
過是數何得又云方始成道這釋迦老漢惑亂
人未有了日嘉禾不免說破去也良久云貪他
一粒米失却半年糧

除夜小參時窮何似日窮好月若窮來歲亦然
三十六旬窮過了東村王老夜燒錢老漢並無
一物應個時節因緣拈起拄杖云祇有這個無

窮無盡歷劫經年今夜隨時送去免教涉蔓相
牽遂擲下云歷劫得來今斷送拍雙空手接新
年

元日云年新日新時又新梅華枝上春又新東
風打從花裏過穿破諸人鼻孔門遂吸鼻云諸
人還知麼拈起拂子云汝等還見麼卽今鼻裡
眼裡知得見得便見山河大地徹底斬新百草
頭邊處處陽春以拂子擊禪床云千門萬戶同
斯日打鼓鳴金轉法輪

示衆佛是衆生屋裡了事人衆生是佛屋裡不
了事漢若要一樣但佛與衆生一齊放却則無
了不了卓拄杖云但於事上通無事見色聞聲
不用尊

元宵示衆畫角聲中薦得觀音未是作家彩燈
影裡知歸室利漫誇好手恁麼告報與諸人也
須笑破虛空口禪流若也未瞥然再看鰲山顛
倒走叅

衆集師分糍餅次問衆云老漢有一問各要帶

圓意說一則佛法道得者得餅喫衆皆下語不契冲曰若恁麼某甲決定不得餅師云汝道甚麼冲云把將一枚來師笑曰不得不與

師舉古德上堂示衆曰若論此事叅須實叅悟須實悟動轉施爲輝今耀古若是操心不正悟處不真粧粧點點𧇧𧇧釘被人輕輕拶着未免喚燈籠作露柱且道如何是實叅實悟底消息良久云南山起雲北山下雨敢問諸人古德恁麼說意在於何此事是何物輝今耀古因何

一處起雲一處下雨若檢點得出許你具一隻眼良久擲拄杖下座

性冲至師舉古德上堂僧出問如何是正法眼德云有誓不撒沙傍觀曰不可更撒汝何處見他撒沙冲曰有誓不撒沙師曰不可更撒又作麼生冲便出師曰瞎漢瞎漢

示衆鴻蒙未判天地未分先有一物時人呼爲正法眼藏亦名涅槃妙心今在諸人六根門頭顯現四威儀內昭彰拈起拂子云見麼若見通

無趣語錄
簡消息其或未然不得不疑

小叅老漢做人全無美計有不省儉無時浪費前後不顧當下弗濟精空亮空窮得無底抖筋抖骨沒一毫許祇有半隻破草鞋無底無根亦無對叅

講師至師問曰經前一句偈塞虛空經後一句充滿大地包括一句函蓋乾坤正恁麼時法師向甚麼處下口講無對師良久曰善來法師

冲補帳次師掃地至問曰做甚麼冲曰補帳師

云誰帳要汝補冲曰和尚得恁麼惱亂人師便打冲作掃地勢師持帚而去

端陽示衆佳節端陽何曾訂約五月五日年年撞着風搖蒲劍碧楞楞日照榴花紅灼灼道在時節因緣豈在正法末法向來着意尋求通身是草今日信手拈來無非是藥豎拂子召大眾云此藥治甚麼病擊拂子云不但老維摩藥王藥上也喫一帖

新晴示衆久雨初晴人皆喜悅綠柳舞薰風黃

鶯啼不輟萬古祖師機一時都漏泄直下會得
來依舊沒交涉何以故一朝樹倒鶯不來莫把
烏龜喚做鱉

梅雨小叅梅風拂拂梅雨霏霏須彌山頭爛額
香水海面皺眉池塘蛙鼓嚮如雷諸人會取西
來意於斯薦得方知人人是五祖處處是黃梅
大解脫門元無關鑰實際理地本自平夷若也
未明任爾百煉熏修徒自辛苦何故祇爲他眼
邊耳畔覓黃梅依然拋却祖翁田地

性冲至師問曰子一向在甚麼處冲曰徑山師
曰做得甚麼事來冲曰性冲買得一段田收得
原本契書請和尚僉押即將偈本呈上師接得
便展看問曰這箇是我底汝底聾冲曰和尚莫
捨奪行市師擲下偈本冲便出

冲侍師坐次師云汝看偈抄錄有些利益否冲
曰冲錄和尚偈有感亦作四偈師曰汝舉來看
冲乃舉法偈不多句等偈畢師曰非語言文字
也是汝作底麼冲曰性冲鼓粥飯氣若謂有所

無越諍錄
得辜負和尚不少師點首冲禮拜

鵲噪客至小叅鵲噪不知客來客來不知鵲噪
彼彼不知偶爾恰好若會兩箇不知頭頭自然
合道驀拈拄杖云鵲噪客來無別意擲拄杖云
水流花謝兩無情

示衆豁開頂門眼照徹大千界既作法中王於
法得自在下座

七夕示衆今朝七月七處處開筵席天街牛女
暗相期世人盡不知消息大衆且道有箇甚麼

消息遂展臂作樓抱勢云這箇老婆心切

師同金居士步月於范蠡湖邊冲適至師曰明
月與清風水天同一色人人箇中祇是出不
得冲曰打草驚蛇做甚麼師曰汝又作麼生冲
曰看脚下師呵呵大笑曰將謂赤胡鬚更有胡
鬚赤

俞居真至師問云老漢聞居士在天心書院悟
得些子氣息是否真曰是師云氣息鬻真曰在
和尚開口處師曰非干汝事真上前拱手師曰

無趣詩錄
寶鏡堂
這箇是書院裡學來底真退後就位師曰乃見一斑真曰某甲日用不忘這箇如何師曰且得途中受用真作滿空雲水是生涯句呈師師曰雲散水枯時生涯在甚麼處真擬議師卽彈指曰在這裡真有省作禮師示以頌云儒林一豪傑書讀萬卷徹時來叅我禪我禪離言說祇有一把鋸念起當頭截截到意根枯秤鎚流出血若不流出血持來與你打做鐵
客送藕至師云悟得塵中心恰是池底藕通身

在污泥瑕玷何曾有天生渠不生劫朽渠不朽這般竒特物人還肯信否若是信不及問取趙州狗

硯山居士書至示衆云方一數之始不二數卽止遂拈起書云祇有這一箇能爲萬象主放下書云卽這方一是

師與冲經行次聞風撼槎槌樹聲師曰此樹風來獅子吼風寂便涅槃冲曰樹倒風息時獅子
在甚麼處吼師良久冲曰大好吼卽不是獅子

無趣詩錄
師便掌冲禮拜

除夜衆集偶聞爆竹聲師問衆曰是甚麼衆曰
爆竹聲師曰破了也衆乃有省

元旦示衆今日是三十六旬第一日家家戶戶
慶新年皇皇春令行天下合國羣臣祝

聖延大明九重殿上八方司府堂前錦袍簇簇
玉珮便便恭前鞠後俯仰周旋揚塵舞蹈萬歲
聲喧威儀三百禮儀三千一時頓現若作國禮
商量不唯背了如來此外更無佛法若作佛法

領會不唯背了天子此外更無國禮畢竟作麼
生始得禮法併致一道流通遂舉拂子鞠躬云
皇圖鞏固帝道遐昌以拂子打一圓相云佛日
增輝仁風永扇

佛涅槃日示衆釋迦老漢做了一生好漢末後
對衆寐語若謂我滅度非吾弟子若謂我不滅
度亦非吾弟子汝等諸人作麼生道得一轉語
便見雙林樹上枯木生枝敬畏庵前冰消瓦解
有僧出曰和尚亦寐語師轉耳作聽勢僧無言

師曰這漆桶

二月十九日示衆三月春光一半過園林花發
鳥巖歌分明徧界觀音現試問禪流會也麼
豎起拂子召大衆云菩薩降生了也還見麼又擊
拂子云家家觀世音汝等上來下去何不會取
擲下拂子云不是普陀巖下客徒使潮聲撼海
門

示衆舉徑山在雲居作首座一僧來叅禮曰某甲
看首座女子出定頌有箇省悟處特來證據

座曰不是去僧曰某甲未說何得便道不是座
再三搔手云不是不是僧慙懽而退老漢敢問
諸人徑山見甚麼便道不是這僧因甚麼便懽
懽而退若是檢點得出許你具隻眼要見徑山
麼三十年後

小叅衆集師良久喝一喝云禍出私門便歸方
丈

冲至師曰性冲來也冲作展具勢師厲聲曰如
法禮拜着冲作取具勢而出師曰莫道無事好

無起詩金
四月八日小叅呱聲未絕便橫行手指軋坤眼
四墜赤骨小兒開巨口通身現出大人形
初秋示衆夏末秋新卽佛卽心秋新夏末卽心
卽佛擲下拄杖云會麼不知寒暑催人老
僧古林叅師問曰大德何來僧曰某甲初機乞
示修行門路師豎起拂子云會麼僧云不會師
示以頌曰若問門路須明這箇這箇不明舉足
便錯僧云如何是這箇師云你問我答

師問冲曰徑山頌三玄三要云徹骨徹髓道一

句三要三玄絕遮護此二句中我欲取一句爲
法汝便道取那一句好冲曰和尚適來道那一
句師瞋目叱曰汝得恁麼無記性冲曰祇爲和
尚徹骨徹髓師笑曰不然爲子一人卽得爭柰
大衆何冲曰取卽不辭孤負先代喪我後人師
曰如是如是

始祖像前示衆廓然無聖知音未直言不識
猶欠投機從此大梁殿上折了兩遭老本少林
室中受了九載清灰末後要做好漢不顧骨肉

無趣詩金
隨皮通身分付與人杖擔隻履西歸熊耳峯前
了此宿債慈嶺頭上弄箇大音却被宋雲覷破
踏步不知高低要識造佛造祖之宗匠卽此儻
侗顛頂之鬚鬚盡道祖師昔年去了以拂子指
像云現今這箇擲且道是誰乃說偈曰廓然無
聖顯真機不識重將正令提兩度赤心功不奏
秋江踏葦去悽悽

示衆今日佳節七月七通身收拾巧來喫絕妙
奇能一併吞淨盡勿留些影跡向來弄巧喪天
直從今抱拙守愚直騰雲駕霧總成空百巧不
如一老實如何是老實一句二便二便一豎
拂子云這箇不曾花巧

示衆今日七月十五家家齋佛享祖且道佛與
祖還來麼若來經云無所從來若不來空勞設
供豎拂子云無所從來亦無所去

頌古

世尊降生指天指地

嬰兒纔出阿娘胎賣美家風逞本懷春色滿園

關不住一枝紅杏出牆來

世尊說法文殊白槌

伯牙方擬解琴囊鍾子連忙便卷藏早是半條
弦不動遺音猶是徧諸方

世尊拈花迦葉微笑

靈巖峯頭一大事承言着相已傳差破顏皺臉
何曾笑拈出分明不是花

世尊臨滅摩胸示衆

摩胸運手口喃喃無縫金欄在此傳四十九年

成浪藉慙勳末後又重宣

世尊觀明星悟道

未出胎胞成佛了指天指地已重過六年雪嶺
緣何事猶道觀星意若何

傅大士講金剛經揮案一下

三十二分義無涯一揮案上沒些些誌公只爲
梁天子也是重添眼裏沙

城東老母見佛來以兩手掩面見指指中
皆佛

無題詩金
凄凄家裡獨稱尊但見如來亦是塵兩手欲遮
遮不得始知十指盡連心

帝釋被七賢女索三寶

莫謂根無樹便無黃鶯聲裡綠陰多撥開枝葉
舒高眼偏塞虛空見也麼

無根樹一株

博厚無疆祖代畱羣生分有莫馳求平平坦坦
四時外號段分明在口頭

無陰陽地一片

山谷何曾喚得聽自呼元是自家應上天無臭
無聲理但向人間聲臭明

叫不嚮山谷一所

女子出定

神力運窮開不得輕輕一擊便通行箇中奇特
無多子只在文殊與罔明

馬祖離四句絕百非

笙歌雜沓陰陽調吹落曇花香滿林欲與同筵
共歡賞那知當席少知音

馬祖荅院主日面佛月面佛

尊候如何問處親面如日月荅猶真今時劫外
同相會雪調陽春一曲琴

百丈野狐

一字牢關實嶮巖千賢到此盡攢眉野狐百丈
爭名相惱亂叢林鼓是非

三墮

閒來撞入皮毛隊頭角崢嶸不覆藏一任青郊
芳草際洒然何處不風光

披毛帶角隨類自在

後夜鶴聲和月淚上林花朵帶春開重重紫陌
紅塵裡物物頭頭自偶諧

聞聲見色隨處自在

琉璃殿上主賓忘密運威音宴八荒白玉堦前

人影斷垂衣終日坐堂堂

禮絕百僚尊貴自在

昨日高峯乘駿馬今朝平陸駕籃輿大千覽徧
無餘剩一步何曾得動移

總結

南泉斬猫二首

爭非爭是口嗷嗷平地無風起浪濤不是願師
獅子吼至今天下滿堂猫

拈起分明告衆知兩堂僧衆失躊躇趙州頂履
雖能道要救猫兒已是遲

陸大夫問南泉甕裏鷺

譬喻拈來問祖翁
祖翁劈面便施功
直呼直要親相見
出得依前在甕中

國師三喚侍者

頻頻呼喚探如何
應口聲聲欲甚麼
縱是國師心用切
也從平地起風波

趙州喫茶去

曾到未到喫茶去
院王來叅也一甌
雨前香味無多子
管取人情箇箇周

趙州叅二庵主

江北江南總帝畿
一輪化日照華夷
胡笳曲調東風外
石女聽來笑滿眉

趙州四佛

言言撤去莊嚴幻
句句披陳本體真
風送落花隨水去
分明流出洞中春

庭前栢子

西來祖意庭前栢
親手栽來恰對門
重指示人
人不見依然堦外翠成林

東司喚侍者

無題詩
呼一聲而應一聲東司佛法甚分明更云不得
與君說韻脚聲明在八庚

青州布衫

七觔衫子出青州信口拈來當話訓較短量長
穿不得提來提去幾時休

趙州勘臺山婆子

鷲直去兮曲太多爲伊勘破轉糲糊無端平地
相饒舌惱亂行人失坦途

趙州問投子大死底人却活時如何子云

不許夜行投明湏到

千年枯木忽春回觸目曇花匝地開寸步不移
閨閣內遍遊南嶽與天台

魯祖面壁

纔見人來便轉身婆心一片十分真劫前有段
風流事不惜眉毛付與人

盤山上堂向上一路千聖不傳

遲遲簾影日偏長無限春光一坐忘樹底流鶯
啼徹處更無餘法可商量

德山托鉢

華擁籬根春已深
密垂簾幙晝沉沉
三家村裏風流漢
酒醉胡言惱亂人

德山因疾不起
僧問還有不病者麼
山曰
有僧云如何是不病者
山曰阿耶阿耶

常年卧病老維摩
諸佛多從這裏過
大地衆生皆有病
其中唯有阿耶無

僧問德山古人斬猫意
旨如何
山以拄杖趁却喚云
會麼
僧曰不會
山曰我恁麼老

婆還不會

斬猫只爲切心過
以杖祛之
太老婆再四喚歸
不得
這般添桶待如何

德山上堂問卽有過
不問卽垂有僧禮拜
山便打僧云
某甲纔拜爲甚麼
便打山曰
待汝開口堪作什麼

一毛頭上禹門開
挾海金鱗戲水來
三級浪高
回首去已
知不是化龍才

德山臨終告衆云
捫空追嚮勞汝心
神夢

覺元非覺有何物言訖而化

紙燈滅處眼睛開爍破虛空絕點埃焚鈔那時
遷化了于今重復出頭來

瀉山水牯牛

道是僧兮又是牛葛藤打動幾時休一真實際
離名相但向瀉山問處訓

瀉山問僧汝會什麼僧云會卜山拈起拂
子云這箇六十四卦那卦收僧無對山曰
適來大壯今是明夷

這箇元來卦卦收擲錢拈拂一根由若非擲處
分爻象縱是文王難起頭

石頭示衆云恁麼也不得不恁麼也不得
恁麼不恁麼總不得汝作麼生會

宗師手段出諸方明白推人入鑊湯皮肉一時
都脫落祇留精骨奉爺娘

睦州如喪考妣

睡去眉毛排八字覺來八字擺眉毛本來面目
恒如是也着親須見一遭

大覺住天寧上堂云是法平等無有高下
因甚麼晝明夜暗若道得一句個儻分明
天寧拄杖子兩手分付

本來佛法無高下晝夜何曾有暗明一句明明
該萬象莫言拄杖在天寧

大覺上堂舉古德云真正辦道人無費剪
爪之功天寧道真正辦道人一覺到天明
拍禪床云相逢不下馬各自奔前程

兩箇黃鸝鳴翠柳一行白鷺上青天窻含西嶺

千秋雪門泊東湖萬里船

興化耐寶價

君家日用無非寶何特生端指幞頭老衲眼中
難着屑一聲誰敢價高耐

興化打克賓

說箇說得是打箇打不差雖爲師弟兩箇作家
只爲要人徹底不知捏目生華

三聖云我逢人卽出出卽不爲人興化云
我逢人卽不出出卽便爲人

鴛鴦兩兩逞風飛
高不高兮低不低
縱是傾心而吐膽
何如緘口惜毛衣

靈雲見桃花

落花滿地人皆見
偏與靈雲作悟門
不是玄沙親勘的
行人難免眼中塵

香巖上樹

樹裏藏身欲白拈
逞窮伎倆語喃喃
傍觀一撥呵呵笑
做賊心虛難自瞞

芭蕉拄杖子

這條柳粟沒親疎
與奪縱橫徹有無
拈出當陽定今古
太平時到也曾多

二僧叅清涼
涼指簾二僧同去
捲簾涼云一得一失

鞭影纔彰便轉身
那期良馬未知音
翩翩共捲堂前箔
同負清涼一指恩

法眼轉則監寺青峰丙丁童子話

這句何曾有舊新
一番提起一番親
從來善話能依泊
今日胡揮妙入神

仰山住東平瀉山送鏡因緣

潦倒瀉山懶画眉東平提起便捺歪衆皆擬照
卽撲破免得兒孫影內迷

仰山負柴上山路僧曰山上自有仰放下

柴攤開云是甚麼僧無語仰曰我自要燒
收束而去

放下攤開指與我自要燒不瞞他可憐不遇
知音者狼藉旃檀作野柴

洞山叅興平禮非老朽

渠非老朽不禮不受威音那邊毘盧頂後把住
壺中日月長觸着匣裏青龍吼良醫叮囑病人
服藥不如忌口

僧問慶延蚯蚪軻爲兩段兩頭俱動佛性
在那一頭延展兩手洞山別云你問在那

一頭

蚪分兩段兩頭動月印于江千處明兩手展開
何所事不知因甚問端生

僧問浮石如何觀其音聲而得解脫石將

火筋打柴頭云還聞麼日聞石日誰不解
腕

二物相交發妙音一聲入耳便通神莫於聾裏
分緇素眼處聞來始得真

慈明李附馬二喝

山前山後水泠泠流出溪來一樣清謂是謂非
皆是水野于師子自相爭

黃龍三關

生緣佛手驢脚去咄咄攀花踏着歸一釜三關

言外駿石郎掉臂過須彌

龍牙云此事如無人行拳

一喻宛然明白了十乘具足舉難呈却如暗內
人書字字不成兮文已成

天寧上堂舉五祖演云釋迦彌勒已是他
奴且道他是阿誰曰寧可截舌不犯國諱
下座

釋迦彌勒是他奴更有何人類得他演祖要拈
拈不得天寧欲轉轉模糊

無起詩鈔

黃龍選勝首座黃蘗住持

鍾樓念讚非干已床脚種菜但憑他猛虎從教
當路坐住持黃蘗選無差

徑山竹篋子

探竿在手任施爲那管人間是與非總使這僧
能脫畧好生認取不饒伊

法華經云大通智勝佛十劫坐道場佛法
不現前不得成佛道

道場十劫坐經過爭奈春光漏泄多佛未成時

猶智勝不知成後事如何

魯論四句

仰之彌高聳漢冲霄無上頂相佛祖難超
鑽之彌堅密密綿綿甚深甚厚無底無邊
瞻之在前參天地先無名無相千聖不傳
忽焉在後活潑希有難畫難描打箇觔斗

偈頌

參禪三首

參禪不知要奔馳言語道衣底牟尼珠紙上去

舟起詩金
尋討心地鬧喧喧塵緣忙擾擾終日打葛藤生
死何時了

參禪不卽坐工夫隨處做蓮水與搬柴供茶并
送菓黃梅嘗負春東山曾執磨作用盡真機頭
頭皆可悟

參禪無妙訣唯在信心徹話頭舉頻頻疑情恒
切切頻舉愈頻疑疑做一團鐵鐵團忽然破鞞
出寒江月

念佛三首

念佛要依教彌陀莫外討念念內圓光聲聲中
返照十萬八千程只在一心了得東土心西
方卽時到

念佛須專一綿綿又密密一句阿彌陀萬緣皆
頓息間忙不曾離頃刻無間隙恒作如是心蓮
胎生有日

念佛須見性見性念卽正諸邪見不生一念常
相應聲聲佛念佛念念鏡照鏡佛鏡兩相融方
聽彌陀令

省身

祇爲一箇身百計思量到生死渾不顧便宜只
管要苟得恣爾貪天真都昧了迷心着相人忙
殺知多少

心與身語

我有爲爾有爾無我本無有無端在爾生死干
涉吾有爾有生死爾無生死無不是吾多爾累
我處也多

漫成二首

白雲愛我懶我愛白雲閒我懶不出戶雲閒常
在山懶非躲懶懶閒不等閒閒斯閒與斯懶相
期出世間

戲水蜻蜓舞穿花蛺蝶飛蜘蛛絲結網螻蟻地
營居白鷺沙邊立黃鶯枝上啼皆弘無上道吾
不會何如

山居四首

寒蟻破衲草團瓢寂滅身心樂有饒芋火深煨
香透谷茶烟輕颺篆冲霄小池引水邀空月鈍

鐷開雲種苴苗生意無多傳代遠威音那畔到
今朝

抱鈍深山一不諳隨緣參得及時禪寒來向火
饑來食喜則歌吟倦則眠自信了無心外法從
他說有妙中玄堂堂古路如弦直何得崎嶇自
着瞞

數椽矮屋着深林妙意玄機不假尋聲色千般
山境界分明一片祖師心泉披瀑布彈長舌風
鼓松濤奏梵音幽鳥也能諳此意每來簾外和

玄吟

禪跡幽潛寄嶺巔埋頭自得此身安破蒲團上
生涯活漏草庵中法界寬一指頭禪供日用七
觔衫子禦冬寒家私盡向諸方道抵刺眉毛在
眼邊

鄺居三首

無心希聖不嫌凡幻跡隨緣寄市間一着分明
如杲日數椽安息卽精藍無心於事動常寂於
事無心忙亦閒莫謂鬧中無隱者從來城市有

青山

居山無措買山錢
結箇茆茨亦偶然
守分在家生意穩
倚門就市所需便
連家接巷俱玄路
鼓吹絃歌悉指南
試問有誰如是會
好來同了化城緣

那事明明已決疑
罷叅方外就羈居
不離當處禪無間
常在其中靜有餘
言外同叅玄士少
門風冷落客來稀
寥寥終日簾垂地
獨對鑪熏坐夕暉

省幻四首

鳥飛兔走促炎涼
迅速流光真可傷
萬事空花無一實
百年春夢幾多長
四緣假合浮漚聚
衆象排成傀儡場
今古一棚燈下戲
諸人何事不思量

勞生擾擾不思惟
幻化之中豈久居
那箇不懷千載計
阿誰滿得百年期
奔趨利欲忙如鑽
不覺流光去若飛
口內忽無三寸氣
塚頭添得一堆泥

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無題詩

刹那生滅定期難白日明明是夢間倏忽年華
如電拂虛浮世態若蓬飜人當得意須知退鳥
倦飛時尚覺還欲返故鄉須早計勸君莫待髮
毛斑

人生何事不歸山斷送身心醉夢間念念自憐
真見昧時時徒把幻緣攀一朝錯認鏡中影百
計難偷忙裏閒可惜妙明心本佛隨流逐浪竟
忘還

寄同門三首

欲悟真機觀體叅揚眉瞬目辯來源印心摩頂
由師肯徹骨窮源得自甘諸見盡時開正眼覓
心無處是真傳本無一物曹溪肯千古宗風播
嶺南

禪心非放亦非收日用居常順應酬隨處住來
無所任任緣流去不隨流無爲不作頑空伴有
法終非執法儔自有一條玄活路古今千聖悉
同遊

了修了證復還源物物彌陀事事禪不動法身

無題詩

寶鑑

無題詩金
周百億慧光常寂照無邊堆堆塵裏堆佛片
片雲中片片天法界純真唯一實毫釐希冀自
欺瞞

行脚

一條竹杖半邊瓢那管山高與水遙隨處生涯
瓢內做諸方佛法杖頭挑西來祖意和身轉大
地風光信步饒百億須彌叅訪遍脚跟不動半
纖毫

歲盡

閒看夢中諸傀儡打點賀年忙似蟻幻事千般
要整齊正經一節誰提起年來年去是尋常何
舊何新着甚鬼漚華影裏競奔趨紛紛盡把天
機昧

示禪人二首

禪非枯木守寒灰
歿坐何曾悟活機
上古宗門尊
株喝須知擊石
火星飛

擬學西來佛祖禪
宗門言句着深叅
達摩不識親知的
佛法方能得現前

法鼓

周遮嚴密不通風包裹虛空在箇中生急面皮
誰敢觸禾山解打振玄宗

草鞋

曾陪禪客走東西行遍乾坤步步隨踏斷聖凡
差別路這回方始不沾泥

鋸木

拽去推來妙意同作家相見密施功通身手眼
能圓互盡在當陽一線中

蛙鼓

夜半雲收月吐輝池塘蛙鼓響如雷子韶去後
知音少打破虛空那箇知

卽事二首

環山碧澗流明月遶屋疎林挂白雲禪客若將
秋景會等閑埋沒祖師心

千林搖落天機露萬象收圓色界空獨坐蘆花
深處望三三兩兩釣魚翁

贈禪人太虛

無題詩鈔
太虛度量周沙界豈肯名山秀水埋三世佛心
包不住一條拄杖出雲來

雜咏

指性歌二首

性超類無物並當空獨耀無臺鏡塵緣堆裏露
堂堂萬象之中孤迥迥也非凡也非聖當體如
如絕修證道人到此細推詳莫把識神來錯認
性非性佛非佛說是一物眼中屑千賢萬聖不
能言江月松風熾然說叅須透悟須徹要與虛

空着箇檝木人拍手笑歸來烹煨紅爐千點雪

關中四威儀

關中行不涉外途程團團腔子內無事湧騰騰
纔縱步踏倒法王城

關中住寨寨遠塵世悄然無客來寂默忘賓主
沒生涯不知那一事

關中坐那記蒲團破一箇不惺惺萬事何曾顧
瞋睡來滾入破爐墮

關中卧枕头曲肱做夢去任逍遙不孰陰界墮

反側間誰云是這箇

山中四威儀

山中行松風襯步輕草鞋寬難得上峻嶒
山中住藜杖惺惺拄沒工夫手當胸處
山中坐兀兀如泥塑絕思量不學泰首座
山中卧日月床頭過白雲堆何曾埋沒我

十二時歌

夜半子萬機止睡如死而非是死老鼠床頭叫
一聲赤膊條條跳出耳

子未丑睡未久昏魔不散聲胡吼鷄啼穿耳忽
翻身摸着枕头不是手

曉來寅曙色分一聲春鳥催起身穿了衣裳着
鞋襪佛手驢脚何疎親

日出卯浴面了摸着鼻孔無分曉喫粥了來洗
鉢盂工夫做得正恰好

食時辰饑火侵滿腹嘈嘈轉法輪風遍雲堂一
聲板脚頭踢出無邊身

飯後巳無賓王亂攙經行不彼此山童滿托幾

無題詩餘
三十一
孟茶信手拈來只這是

日直午光滿戶歷歷分明有甚麼只此令人昧
不得倚牆靠壁誰能躲

午未未要瞌睡鼻引燈心打箇噤合堂大眾盡
驚疑莫謂此中有別意

日晡申湯沉吟那事誰能薦得親饒君轉得番
身句何似床頭鼠盜金

酉時沒天漸黑衣底摩尼光逾白琉璃影出兩
頭蛇這段清機人不識

黃昏戌黑如漆脚跟點地方休息點燈不用照
如何只是舊時黃十七

亥人定人皆靜倔彊牛兒穿鼻竟暗頭打入葛
藤窠天曉歸來孤迥迥

退步歌三首

人到中年去後光陰少如淺水魚漸漸乾來了
趁辦行資莫待臨頭懊浮世無常退步回頭好
地獄天堂輪轉隨業報禍福無門善惡由心造
六道忙忙一性都迷了苦海無邊退步回頭好

170 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

無名詩金

老衲家風沒一些花巧喫飯口開禮佛全身倒
那事難言纔見人便笑問我修行退步回頭好

贈見梅上人

見梅見處竒特舉似人信不及花邊捉得眼睛
歸却是衲僧巴鼻密藏處大地全彰拈出時不
露踪跡十聖窺無縫罅三賢討無消息靈雲未
徹非儔玄沙無處點責曾被天池密印來象王
不入金獅窟

示禪者居山

會得西來祖意一切世緣屏去身如有氣死人
心似無情木塊日食淡飯黃齏寄跡水邊林際
從教夏熱秋涼那管春來冬去默默似訥如愚
默默養成法器時節因緣忽到來春發少林香
動地

除夜

貧道人無積蓄過年人事難隨俗但燒香與點
燭不爇柴芴不爆竹燒鍋湯洗箇浴秉盆火來
烘被褥世間錢財不浪費庵中受用儘知足齎

無名詩金

三三 三本 寶善堂

無趣詩餘
三九
寶慶府志

駒一覺到天明兩眼豁開春滿屋

船子和尚讚

家園喪盡路頭絕掩口難言因地瞥着錐無地
下漁船棹破華亭江底月釣得夾山頂上魚鯉
風萬古播不輟

古杭王半顛讚

天台打失一漢古杭湧出半顛會得處中活句
却來鬧裏叅禪放下四楞塌地挑起拄杖遼天
走漏却前消息傾翻大事因緣東撒西拋狼藉

不惜爺娘本錢笑舞虛空啼吼惹得羣兒推牽
滿口珍珠美玉却成瓦礫胡言咄却稍雪調知
音少收取眉毛度晚年

無趣老人語錄終

無趣老人行狀

師諱如空號無趣嘉禾秀水人俗姓施未出家
時號靜齋娶生二子一女性仁慈畱心內典志
慕祖道同友濟法舟叅訪八年復歸家刻志叅
究適野翁曉禪師寓東塔寺虎丘隆禪師之叶
世孫寶芳進之的子師往謁每呈見解盡被掃
闕昔日所負至此索然一日野翁謂師曰我有
一言要與爾說師曰請教野翁但笑而不語又
問又笑師始具師資禮懇求之翁不得已乃曰

達磨西來直指人心見性成佛唯在道下體取
子若信得及可放下萬緣叅箇一歸何處師于
是勇猛三載聞鷄鳴有省往扣決擇遂蒙翁印
可由是閉關頂戴觀音日夕跌坐久而啟關翁
遂付衣鉢并法偈曰非法非非法非性非非性
非心非非心付汝心法竟復記之曰汝有二子
一青一緇師剃染後檀信請居敬畏庵
爲法檀度萬曆己卯仲冬付法于弟子性冲訖
且謂曰來歲中秋五六之間吾欲行子宜來次


年庚辰八月六日冲以前命而至師示微恙說
偈而逝師生于弘治辛亥年十月十八日世壽
九十臘 十 入滅偈曰生來死去空華死去
生來一夢皮囊付與丙丁公白骨斷橋隨衆呵
呵明月清風吟弄

徒性虛稽首述

分印

170 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

金瓶梅詞話



... 且 兼 風 翠 ...
... 未 一 德 武 靈 財 興 丙 丁 合 白 竹 潤 蘇 吳 ...
... 式 十 總 ...
... 而 主 宇 武 宣 華 ...
... 民 六 日 ...
... 主 商 不 始 ...

[The left page is mostly blank with significant damage and staining.]

170 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9



廿八

心